



*The Office Of The Principal and Vice - Chancellor*

**UMCIMBI WEKUVULWA NGALOKUSEMTSETFWENI KWEMNYAKA  
WEMFUNDVO LEPHAKEME YA 2018  
ZK MATTHEWS HALL, MUCKLENEUK CAMPUS  
8 INDLOVANA 2018  
SOL MANDLA S MAKHANYA  
INHLOKO YETEMFUNDVO LEPHAKEME NELISEKELASHANSELA**

***Inyuvesi Yase-Afrika lebumba likusasa ngekusebentela sintfu***

- Ngiyabonga Mphatsiluhlelo
- Mnu. Sihlalo weMkhandlu, Mnu. Simelane
- Emalunga eMkhandlu
- Nkt. Makhanya
- Balingani esigungwini neKuphatsa Lekwengetiwe
- Baholi bebefundzi
- Baholi be-OL
- Tisebenti tetfu nebefundzi

- Emalunga etekusakata

Kulomnyaka, inkhulumo yami ngamabomu nje itawusukela indleleni leyetalekile njengoba ngifuna kutsatsa lelitfuba lekuvulwa kwemnyaka wemfundvo lephakeme kwekutsi ngimeme ngiphindze ngikhutsate nonkhe lenisebenta nami, kunoma nguyiphi incenye lenikuyo yalesikhungo, kutsi nente umsebenti lolindzelekile we-UNISA, ummango jikelele nebafundzi betfu ngalokukhetsekile. Ngako-ke mina nebuholi bonkhe balesikhungo, lona akusiwo umnyaka wetitsembiso kodvwa ngumnyaka wekwentiwa kwetingucuko netinchomomgomo lokuvunyelwene ngato.

Nakuba ngati kahle kutsi ingucuko lesibukene nayo ngete yavisiseka melula njesehlakalo kodvwa iyinchubo, ngimema ummango wayo yonkhe inyuvesi kutsi uphakamise ligiya lekwenta tonkhe tingucuko netinchubomgomo lokuvunyelwene ngato. Umlayeto wami ulula, ungukutsi wonkhe emachinga lahlelwe kahle kumelwe aletse imiphumela lemihle.

Ase ngiphindze ngisho kutsi umnyaka wa 2018 kumelwe ube wekwenta tingucuko, lokungukutsi, umnyaka wekwenta tingucuko netinchubomgomo lekuvunyelwene ngato ngemandla nangendlela

lengabuyeli emuva nekusebentela bafundzi betfu. Ngifuna kutsi nikwente ngekuvumelana nesikhatsi lesibekiwe nendlela lenebukhono.

Nginimema nonkhe kutsi nibe ngummango losebentako lotinikele wonkhe ngekubambisana kute wetfule:

- Kuvuselela kabusha inyuvesi ye-Afrika letawubumba likusasa ngekusebentela sintfu;
- Kutfutukisa kuphatsa jikelele kwesikhungo setfu lesikhona kuphendvula nekulandzisa kuwo wonkhe emazinga;
- Luhlelotifundvo lolutfutukile nalolubalulekile loluhambisana netinjongo;
- Bunjalondzawo bekufundzisa nekufundza lobukhulisa impumelelo neluhlelo loluveta imiphumela;
- Kutfutukisa bukadzebona jikelele bebefundzi lobukhululekile ekucedzeni kwelwati lwendzabuko, kushabalala kwelulwimi nekubandlululwa;
- Kugucula indlela yekuphila yalesikhungo letawenta i-UNISA ibe likhaya letfu sonkhe;
- Kusebenta ngetihlelo letibukhono netinchubomgomo leticinisekisa kwenta kahle nebulula besikhungo.

Kumele sonkhe sikhumbule kutsi umsebenti wetfu ngekubambisana ekuvuseleleni i-UNISA wacala lapho emanyuvesi lamatsatfu lafaka: I-Unisa, i-Technikon South Africa yakudzala, neVista University Distance Education Campus ahlanguana ngaBhimbidwane 2004 kute kwentiwe bhazabhaza wenyuvesi lokungunyalo ubhalise bafundzi, labangetulu kwa 350,000. Nguye lobhazabhaza wenyuvesi losetandleni tetfu kantsi kumele sicikelele kutsi :

- Imiklamo yayo yekuhlakanipha nemfundvo lephakeme ihamba embili futsi iyafaneleka;
- Bafundzi bayo bayatigcabha ngekuba se-UNISA;
- Ibumba likusasa nemisebenti yesintfu;
- I-UNISA nangempela ungumhlahlandlela wemicondvo lemisha letfutukisa ematfuba empilo;
- Inemandla futsi iyatihlaba ngenjongo yekuletsa tingucuko, imicondvo lemisha nekuvulekele kubuka tindlela letisha tekwati, imibono lemisha yekubakhona nekuvisisa emandla neligunya.

Njengoba sicaphela liciniso lekutsi imikhakha yemfundvo lephakeme eNingizimu Afrika beyibukene neligagasi letiteleka letichekete tisekelo kuleminyaka lemibili leyengcile ngelizinga lelingamange libonwe kusukela kwaba netsandvo yelinyenti yetfu, lapha e-UNISA kumele

sikutsatse njelitfuba lekuphotfula kuvuselela kabusha kwesikhungo setfu lesacalwa nga 2004.

Njesikhungo lesitiniketele kuba Ngum-Afrika mbamba kungulapho sichudzelana mhlaba wonkhe, kute sibumbe likhusasa ekusebenteleni sive, futsi sibe likhaya lelihlukile, i-Annual Decoloniality Summer School lete ngembi kwembutfo we#Rhodes Must Fall ne #Fees Must Fall, sekusikhatsi sekutsi siphile ngekuvumela nembono wetfu, i-Charter yetfu, i-11Cs+1 yetfu, kususa kwetfu bukoloni, nekwetfula lokuphatsekako mayelana nengucuko nekulunga emmangweni.

Kulomnyaka kumele sivete kutetsemba mayelana nekuhlahluba ngetebusayensi etinkingeni letikhona ngembono wenyuvesi sisho ngalokuvulekile kutsi kuvuselela kabusha kwe-UNISA kutsi ibe sikhungo lesisezingeni leliphakeme lesisekelwe tici letisitfupha letisasenta sibe ngulesihlukile:

- Indzawo yalwiminyenti : sikhungo lapho lwati lwenzabuko lwase-Afrika, lulwimi, icosmologies ne-ontologies kungumgogodla wekubokala nemphufumulo waso;

- Indzawo yekutfole lwati ngekucabanga / kulunga emmangweni lokwamukela ngalokuphelele umcondvo wekutsi wonkhe umuntfu utalwa aneluhlelo lokungilo mbamba nalolusemtsetfweni lelwati;
- Indzawo ye-'lwati lwe-ecology' lapho bunyenti belwati buchudzelana buphindze bukhutsatane;
- Sikhungo lesibuka tidzingo temphakatsi lesingabeketeleli kubulawa kwelwati lwendzabuko, kushabalala kwelulwimi nekwenganywa kwemasiko;
- Sikhungo lesihleleke kabusha ngekwetimali lapho nalabo labangenamali bakhone kutfole imfundvo – lapho imfundvo itawuba lilungelo nekuba ibe lilungelo lalabambalwa; ne,
- Kususwa ngalokuphelele kwebukoloni, kususwa kwebuve, kususwa kwebunhlanga, kususwa kwekutsi yonkhe intfo yentiwe ngemadvodza, nekususwa kwemakhaya langakahleleki kahle kuwo wonkhe umuntfu.

Kumelele sitigcabhe futsi ngeliciniso lelitsi kusukela emuva ngabo 2014, Umkhandlu we-UNISA wavuma Emasu a2030 anyalo, kulokunye,latawu, funa kuhlela kabusha i-Unisa njengemholi lonamatsele e-Africa nenyuvesi yase-Afrika mbamba kunekuba ibe inyuvesi e-Afrika, lechudzelana emhlabeni wonkhe. Siyatigcabha

nangekutsi i-UNISA ifaka tikhungo letibukene nelucwaningo nge-Afrika lotawutsi umphumela walo itawusita ekusebentiseni emasu etfu, emaplani netinchubomgomo.

Siphindze siyatigcabha ngekwati kutsi sizuzile njengesikhungo, lokusukela kumasemina etfu, umhlanganotifundvo, nemakhomfa emave ngemave lebekagcile emgcondvweni wemanyuvesi, kususa lwati lolunebukoloni , kutfutukiswa kwalokuphatselene nemmango nemfundvo lephakeme kanye nekufundzisa nekufundza.

Siphindze sitigcabhe ngetincomo tembiko lowentiwe Ikhomishana Yemalungelo Esintfu eNingizimu Afrika lemayelana nekuguculwa kweManyuvesi Emphakatsi locondzene ngco nekuguculwa kwemfundvo lephakeme.

Kusungulwa kweChange Management Unit (CMU) ehhovisi Lenhloko yeMfundvo Lephakeme neLisekelashansela nga 2016 libe neligalelo lelikhulu ngekwetfulwa kwetingucuko letisekelwe egcikitsini ye 'Kugucula iUNISA: Imfundvo Lephakeme neKulunga Emmangweni kute Kutfutukiswe'.

Kuwo wonkhe 2017, umkhankhaso Wekuhola Ekugucukeni lokufaka ekhatsi kuhlela tinkhulumomphikiswano netinkhulumiswano mayelana nenchazelo nekwenza loko lokufunwa bafundzi mahhala, lokufanele, kususa bukoloni nemfundvo lelinganako; isisita njengesikhungo kutsi ngalokuphelele nalokuvulekile sibandzakanye nomenclatures netihlelo tekususa bukolono, kwehlukahlukana, nekwenziwa Bu-Afrika kantsi yebo nengucuko lenembono locacile kuniketa sicondziso nengcikitsi engucukweni yemasu, emaplanini netinchubomgomo.

Kumele ngisho kwekutsi impumelelo yetfu sisonkhe njengoba sitilungiselela ingucuko ichomeke ekucabangeni kwetfu kabusha ngalokujulile mayelana :

- Buhole betfu lobengca ngale kwekuphatfwa kwebuve ;
- Kutiphatsa kwetfu njengebaholi nabothishela;
- Kutiphatsa kwetfu kwebuchwepheshe njengebaholi nabothishela;
- Kutsembeka kwetfu kulesikhungo nekutinikela kubafundzi betfu; ne,
- Nekuphutfuma ekubuyiseleni litsemba kubaholi, bothishela nebafundzi.



Lokutihlola kudzingeke kakhulu ngoba i-UNISA, ngaphandle kwekungabata, ineligalelo lelikhulu ekuniketeni lwati ngemnotfo waseNingizimu Afrika ngekusebentisa labaphotfulile, kantsi iyimphahla yavelonkhe nasevekatini. Sitsetse lokubili kulokutsatfu kubafudzi labenta imfundvo lephakeme eNingizimu Afrika kantsi ngitsi lesikhicita linyenti lebafundzi labangema-Afrika labaphotfulile. Ngako-ke, kumele sicaphele njalo ngesisindvo semlandvo nelikusasa lesilitjatse emahlombe etfu njenge-UNISA.

Asakheleni lapho sihlonipha lokukhulu lokwentiwe i-UNISA eminyakeni leyengcile, lokumiphumela yenhlanganisela yemitamo yebabambilichaza labahlukahlukene -- Sigungu, baphatsi bemfundvo lephakeme, bafundzisi bemfundvo lephakeme, basebenti labaphetse, tinyunyana kanye nebafundzi. Umsebenti wabo lobabatekako wente kutsi sente lukhulu lolusente satitfolo sila sikhona kulesikhatsi lesisandza kwengca. Lesi kube sinyatselo lesikhulu lesisite senta lengucuko.

Nyalo sineSigungu lesisha, ngaphansi kwebuholi baMnu Simelane. Sinalowekunene lokhuluma nani namuhla lobekangagucugucuki ekutsatseni lesikhungo asibeke kulelinye lizinga. Nginelicembu lelathi kahle kwekutsi simeleni. Sigungu neMtimba Lophetse abajikijiki

engucukweni njengobe ikhuluma ngelikusasa lelicakatile laleNyuvesi yetfu.

Ngifuna kubonga indzima ledlala nguShansela wetfu, Mongameli Thabo Mbeki loluphawu ngekwakhe, le, i-UNISA itigcabha ngalo. Kute kungabata ngaloko, uma silwela umgomo lofanako njengemndeni weUNISA kute sitfutukise umklamo welwati nekutfutukisa kusebentela bafundzi, kute lokungasivimba.

Ngikhutsata indzaba yekutsemba njengencenye yekumema sonkhe kute sibukane ngco netindzaba tekwesatjiswa kwelusuku njengendzaba yelusuku, indzaba lesemcoka lemayelana nalokutsintsa umphakatsi, indzaba yeluhlelotifundvo, nendzaba yelisiko lekugucuka. Loyo lokholelwa kuyi-Afrika yonkhe nesishoshovi semalungelo emphakatsi Prah uconota kutsi:

*'Ludzaba lwekusatjiswa lesibukene nalo e-Afrika namuhla, lutsi, sibususa njani bukoloni lobungene bajula emfundvweni lephakeme, siwenta umkhicito welwati kwekutsi ube wendzabuko, senta kutsi lwati lolubalulekile nemkhicito walo kube kwala ekhaya.'*

Umnyaka wetfu wekwenta ngemandla wemaplani netinchubomgomo lokuvunyelweni ngako ngete kwaphumelela uma sichubeka setfuka siphindze sisatjiswe nguletikhalo ledzingekako letibekwe embiketfu neletingucuko letidzingekako lekumele tentiwe.

Sinelitsemba ngeluhlahlubo lwebuseyansi lesilwente ngeluhlelo lwanyalo nesimobucayi selulwimi, njenganyalo kufanele sitetsembe kusebentisa ingucuko yeluhlelotifundvo. Kungaba njani uma silwetfula ngekusebentisa lemicondvo lesihlanu lelandzelako:

<u>Dimension of Decolonization</u>	<u>Explanatory Notes</u>
1. Kungasagcili emcondvweni welwati lwe-Euro-North American	Loku kusho kwenta tintfo letimbili: kubuyisela kwe-Afrika njenzawo lesemsetfweni yelwati nekutsatsela lwati lwe-Afrika enhloko njengemsuka ngaphandle kwekuluhlela ngaphandle lwati-Europe neNyakatfomelika. Inhloso kutsi kubukwane nesimobucayi sekufaneleka nekukhishwa inyumbazane. Senta sekubuyisela

	<p>lesitawusita Ema-Afrika kutsi akhone kutibona kahle. Kufaka ekhatsi kuya esimimweni lapho Ema-Afrika atekwati nekuchaza umhlaba.</p>
<p>2. Kwentiwa kwelwati lube lwe-Afrika</p>	<p>Loku kusho kwetfulwa kabusha luphawu lwe-Afrika nekutfolakala kabusha kwelwati ngemasiko nemihambo ye-Afrika. Luhlelo leluvuselela kabusha lolusekelwe emicondvweni yelwati lwenzabuko njenge ' mkhickto wangekhatsi lotsatselwe emladvweni welisiko, kunekuba utfolakale kulomunye umkhakha welwati lotfolwe ndzawanatsite.'</p>
<p>3.Kungeta/ kufaka lwati levele lukhona esilulwini selwati</p>	<p>Kunendlela lesezingeni leliphansi yekususa bukoloni letsatsa tintfo kalula lemane ingete lokukhona esilulwini lesikhona naseluhlelwenitifundvo lolukhona. Lokubukwe kakhulu la</p>

	<p>kungeta lokusha ngaphahle  kwekuhlela kabusha  luhlelotifundvo.</p>
<p>4. Kubukana nekuhlolisisa lwati  lolukhona</p>	<p>Lendlela ifaka kuhlola  ngalokujulile lwati 'lolutfoliwe'  nekubukana kabanti nemaciniso  ekukhicitwa kwelwati  nekulusabalalisa. Lendlela ifuna  kwengula tinkinga letifihlekile  letifaka lubandlululo  nekubambelela kwebucakacaka  bemandla lobungahambisani.</p>
<p>5.Kwenta lwati lube lwentsandvo  yelinyenti/lwati nge-ecologies</p>	<p>Loku kufaka ekhatsi kuvula  imfundvo lephakeme ebunyentini  belwati lokufaka naleyo  beyicindzetelwe njengencenye  yekulunga ngekutfola lwati  ngekucabanga. Loku kuvula lwati  lwe-ecologies lolwentelwe  kukhicitwa 'umfudzate  lojabulisako' lobukana uphindze  ubeke insayeya yekwabela</p>

	kakhulu, yekubeka ezingeni lelilingene, yekuphindzaphindza kakhulu nekuphengula kakhulu’.
--	---

Kugucula luhlelotifundvo kufaka kucabangisisa lokuhlelekile na lokujulile, kwaloko lokwakha umtsetfo wesici semfundvo lephakeme, kufaneleka nekulungelo leyo njongo.

Nginikhutsata nonkhe kutsi nikhumbule emavi esati semlandvo wesayensi lesinguMfulentji, Michel Foucault, lowaveta kutsi isayensi yalomuhla amange itentekele kodwa yaba ngumphumela wetimfuno leticondzile telwati lolucondzile lebetidzingeka ngalesosikhatsi. Foucault uconota kutsi:

*Indzawo yemcondvo welwati lehanjwe isayensi yesintfu amange ibekwe njengesisekelo kusanekhatsi [...]. I vele ngesikhatsi umuntfu akhela emasikweni aseNtjionalanga lokumelwe kokubili kube nguwo lokucatjangwa kuphindze kwatiwe wona. Akungabateki kutsi, kuvela kwemlandvo ngamunye wesayensi yeluntfu bekuhambisa nenkinga, sidzingo, nesihibe saloko lokukhulunywa ngako naloko lokwentiwako [...].*

Njenge, livekati nemhlaba wonkhe wesimanje, angete kusenteka kwekutsi sichebeka sibalekela emaciniso lafaka lwati nenkanankana lesibukene nayo. Insayeya lesibukene nayo ichazwe kahle nguloyo losati setenhlalo yemphakatsi, Immanuel Wallerstein, encwadzini yakhe lebalulekile letsi ***The Uncertainties of Knowledge*** lapha utsi:

*Ngikholelwa kutsi siphila eskhatsini lesijabulisako eveni lelwati, ikakhulukati ngobe siphila enkanankaneni lehlelekile lesiphoccelela kutsi siphindze sivule imibuto lehlobene nelwati bese sibika kuhleleka kwesakheko selive lelwati. Asiciniseki kwekutsi sitawubuka ngalokuphumelelako etinsayeyeni tenhlananipho, kodvwa kumele sibukane nako. Senta umsebenti wetfu njengabososayensi/ tati ngalendlela sibukane netindzaba letinyenti njengoba lesi kusikhatsi sengucuko esakhekweni selwati.*

Umlayeto wami utsi asibukane nalensayeya ngendlela lephumelelako. Kubukana kahle nalensayeya yesimo seluhlelo nalokuhlobene nelwati kudzinga tindlela letiphatsekako njenge:

- **Kuphindze ucabange ngekucabanga ngekwako**

Emitamweni yetfu yekwenta tingucuko letisisekelo eluhlelwenitifundvo, kumelwe sitibandzakanye ngalokungatjintji nangendlela lehlelekile

‘kuphindze sicabange ngekucabanga’ ngekwako bese ‘singacabangi’ ngemicondvo letfoliwe, imicondvo lehlelekile, nesicondvo. Cathrine Odora Hoppers na Howard Richards bachaza ‘kuphindze ucabange ngekucabanga’ ngekutsi:

*Kuveta kukhanya ekugcineni ebantfwini labawulwako, lwati, imilandvo netindlela tekuphila kwenta lichibi lelinashevu lingahlaliseki kugucula luhlathiyo lolungayi ndzawo emandleni lacubukako lalungisa aphindze ente kabusha impilo yaloko besekubekwe emsamo.*

- **Kufundza kususa lokufudzile kute ufundze futsi**

Loku kusho kukhohlwa loko lofundziswe kona, kute ukhululeke ehlelweni lolufakwe ngenkani kitsi kusetjentiswa imfundvo, lisiko, nebunjalo besimo senhlalo yemphakatsi, lokubonakala njalo ngemcabango wekulawula waseNshonalanga.

- **Kususa lokusenkhabeti**

Loku kusho kususa loko lokufaka tici telulwimi nembono welwati lotsatfwe emfundzisweni yaseYurophu lokufaka ekhatsi kugucula



tisekelo letinkhulu lapho bekume khona. Uma senta kumele sihlole kabanti ngebunhlanga, bulili, indzawo lapho bahleli khona, nendzawo lapho kuhlala khona tati letisemcoka njengoba sibuyeketa loluhlelotifundvo.

- **Atibuye emasisweni**

Lokwenta loku kuveta umsebenti wetfu loyinhloko wekusebentisa tilwimi tendzabuko tase-Afrika lapho sifundzisa, sifundza nalapho senta lucwaningo.

## **Siphetfo**

Asengiphetse ngekutsi loko lesibukene nako ngumzabalazo ledzingekako kute silwisane nekulawulwa nekuba sendzaweni yesitukulwane selwati lesitsintsekeka ngalokucondzile kutepolitiki,temnotfo nekutfutukisa emasiko njengebantfu. Nome ngabe sibita loko lesikwentako njengengucuko, kususa kwebukoloni nome kubuyiswa kwebu-Afrika; lokubalulekile nguloko lesikwenta emmangweni kubukana netinsayeya lekudzala tikhona telwati nemfundvo lefanelekako mayelana netici nekufaneleka ngekuya ngemakhono lasebentisekako.Ngifuna kusho njengoba sengivala

kulenkhumo lesemsetfweni yekuvula kutsi ekuphileni kwetfu kwamalanga onkhe lapha e-UNISA, kumele sonkhe sati kutsi lokusemcoka bafundzi betfu kantsi kumele bati kucala kuko konkhe lesikwentako njengoba sisebentisa emasu, emaplani netinchubomgomo.

Nkosi Sikelela iAfrica

Nkosi sikelela iUnisa

Re a leboha

Re a leboga

Siyabonga

Dankie

Inkomo

Siyathokoza

Ndo livhuwa

Enkosi

Ro livhuwa

Aio

Thank you

